

Visoki predstavnik pozdravio usvajanje Zakona o deminiranju

Visoki predstavnik Wolfgang Petritsch izražava svoje zadovoljstvo zbog činjenice da je Parlamentarna skupština Bosne i Hercegovine uspješno usvojila Zakon o deminiranju. Ovaj zakon uspostavlja pravni osnov za razvitak zajedničkih struktura i standarda koji će se primjenjivati na aktivnosti deminiranja širom BiH, tako što će proces učiniti transparentnijim i efikasnijim.

Međunarodni donatori, koji su do sada obezbjeđivali većinu sredstava za aktivnosti na uklanjanju mina u BiH, su jednoglasni u svojoj podršci Zakonu o deminiranju, te će njegovo usvajanje osigurati njihovu kontinuiranu pomoć pri uklanjanju mina u BiH. Nakon usvajanja zakona, BiH mora racionalizovati svoje učešće u procesu uklanjanja mina, odnosno odvojiti sredstva u entitetskim budžetima za finansiranje centara za uklanjanje mina i isplatu plata zaposlenih u centrima. Time će organi vlasti BiH pokazati stvarnu opredijeljenost za deminiranje i započeti autentičan partnerski odnos sa međunarodnim donatorima u rješavanju pitanja jedne od najopasnijih ostavština sukoba 1992-1995.

Visoki predstavnik očekuje od Centra za uklanjanje mina Bosne i Hercegovine da što prije razradi sveobuhvatnu strategiju za uklanjanje mina u Bosni i Hercegovini, na koju Komisija za deminiranje treba dati svoju saglasnost i Vijeće ministara BiH usvojiti.